

SCRIPT OF MORNING GOJRI NEWS BULLETIN 29MAR 2025

1015HRS

مارننگ گوجری نیوز بولیٹن 29 مارچ 2025

یوہ آکاشوانی جموں ہے محمد اکرم تیں خبر سُنو۔

KATHUA DGP

کٹھوعہ ضلع غا راجباغ علاقہ مانہہ چل رہیا تصادم گے دوران ایک ہور فوجی جوان گو جسد خاجی ملن نال شہید ہوا جوانان گیتعداد ۴ ہوگئی ہے آکاشوانی جموں غا نامہ نگار گی رپوٹ غے مطابق چوٹھا جوان گو جس خاکی جمعہ آلے تہاڑے ڈرون گی مدد نال ڈھونڈیو گیو پولیس سربراہ نلین پرہان نے کہیو ہے جے دوئے دہشت گرد مشکوک پاکستانی شہریاں گی وابستگی ممنوع دہشت گرد تنظیم جیش محمد نال ہے جن نانہہ ویر وار الے تہاڑے دن بھر چلن آلا تسادم مانہہ ہلاک کردتو ہے جدکہ دوجا ۲ دہشت گرد جنمانہہ پہلاں ہلاک کردتو جانو تصور کیو گی وتھو اُنکی لاش بر آمد نہیں ہوئی ہے ڈی جی پی پرنات نے دوہرایو ہے جے پولیس اُس ویلے توڑی آرام نہیں کرسے جدتک دہشت گردی نانہہ ختم نہیں کیو جاتو تے دہشت مخالف کاروائی اجوں جاری ہے تے مزید تفصیل گی اجیں اُڑیک ہے۔

WREATH LAYING CEREMONY

جموں کشمیر پولیس غ ابہادر شہیدان نانہہ خراج عقیدت پیش کرن واسطے کٹھوعہ مانہہ ایک پُر وقار تقریب گو انعقاد کیو گیو۔ جن نے دہشت گردان نال تصادم گے دوران اپنی جاناں گو نظرانو پیش کیو ہے ڈی جی پی نالین پرہات تے دیگر عہدے داراں گے نال راج باغ علاقہ مانہہ دہشت گردان نانہہ ختم کرن خاطر اُنکی قربانی نانہہ تسلیم کرتا واں بہادر جوانان نانہہ دل تیں خراج عقیدت پیش کی۔

DY CM GMC

نائب وزیر اعلیٰ سریندر چودھری نے کل سرکاری میڈیکل کالج ہسپتال جموں گو دورو لاغے کٹھوعہ تصادم مانہہ زخمی ہوا پولیس گا جوانان گو پتو لایو اپنا دورہ غے دوران اُننے ہسپتال انتظامیہ نال ملاقات کر غے انتظامیہ نانہہ ہدایت کی جے وے اُن نانہہ بہتر طبی خدمات مہیا کرائی جیں زخمیاں تے اُن گا کُنہہ الاں نال گل بات گے دوران وزیر موصوف نے سرکار گی طرفوں پوری امداد گی یقین دہانی کروائی اُنہاں نے زور پایو جے لوکاں گی حفاظت تے صحت سب توں اہم ہیں تے ہسپتال انتظامیہ نانہہ تاکید کی جے وے اعلیٰ معیار گا علاج نانہہ یقینی بناویں اُننے متاثرہ کُنہاں نال ہمدردی گو اعزاز کیو تے انتظامیہ جموں کشمیر مانہہ امن تے حفاظت نانہہ بنائے دکھن گا عزم ور زور دتو۔

DY CM INDUSTRIES

نائب وزیر اعلیٰ سریندر چودھری نے جموں کشمیر مانہہ صنعتی ترقی غا عزم نانہہ دوہرایو وے تجارت تے ترقی ور ۲ روزہ ورکشاپ غی افتتاحی تقریب تیں خطاب کر رہیا تھا۔ جسراں کہ پی ایچ ڈی چیمپر آف کامرس اینڈ انڈرسٹی نے وزارت ایم ایس ایم ای غا تعاون تیں منعقد کیو تھویاہ ورکشاپ ہوٹل ریڈیسن بلو جموں مانہہ ہوئی جس غو مقصد جدت نانہہ فروغ دینو تے

مقامی صنعتاں واسطے معاون پالسیاں تے اقدامات غے زریعے معاشی ترقی نانہ اگے بدھانو
تھو۔ انہاں نے کہیو کہ موجودہ حکومت واسطے صنعتی ترقی پہلی ترجیح ہے۔

SATISH TOURISM

وزیر ستیش شرما نے کہیو کہ سیاحت ثقافتاں نانہ جوڑن آلو ایک پُل ہے۔ تے معشیت غی ترقی
مانہ اہم کردار ادا کرے۔ وے انڈیا ٹوڈے سیاحت اعزاز ۵۲۰۲ مانہ گلبرگ واسطے ایڈیٹر
چایس اعزاز وصول کرنغا موقع ور خطاب کر رہیا تھا۔ انہاں نے جموں کشمیر غی خوبصورت
وادیاں بھر پور ثقافتی ورثہ تے مقامی لوکاں غی مہمان نوازی نانہ اُجاگر کرتا وں اس نانہ
بھارتی سیاحت غو تاج قرار دتو۔ انہاں نے دسیو کہ پچھلا ۲ براں مانہ ریکارڈ تعداد مانہ
سیاحاں غی آمد ہوئی ہے۔ انہاں نے سرمایہ کاراں نانہ مدعو کرتا وں کہیو مرکزی حکومت
غا تعاون تیں اپیل کی تانجے جموں کشمیر غی سیاحتی صلاحیت نانہ مکمل طور ور استعمال
مانہ لایو جاسکے۔

ASIAN WRESTLING

ایشیائی کشتی چیمپینشپ ۵۲۰۲ مانہ منیشہ بنوال نے بھارت واسطے ۱۲۰۲ تیں بعد پہلو سونا
غو تمغو حاصل کیو جدکہ انتم پنگال نے کانسہ غو تمگو حاصل کیو ہے۔ ہُن توڑی بھارت نے ۱
سونا غو تمگو ۱ چاندی غو تے ۶ کانسہ غا تمغہ حاصل کیا ہیں جن وچوں ۲ گریس رومن
کشتی غا ہیں مرداں غا فری سٹائیل مقابلہ بار تیں شروع وین گا۔

PM MKB

وزیر اعظم نریندر مودی ملک تے بیرونی ملک مانہ رہ رہیا بھارتی شہریاں تیں پلک
آکاشوانی ور من غی بات پروگرام مانہ اپنا خیالات سانجہ کریں گایا ماہوار ریڈیو پروگرام غی
۲۱ ویں قسط وے غی یوہ پروگرام آکاش وانی، دور درشن، اے آئی آر نیوز ویب سائٹ تے
نیوز آن لائن مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام
اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا
یوٹیوب چینلاں ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام
غی ہندی نشریات غے فوراً بعد اس نانہ علاقائی زبانان مانہ وی نشر کرے گو۔

MWCD

وزارت خواتین تے بچاں غی ترقی نے پردھان منتری راسٹریہ بال پرسکار واسطے درخواستیں
طلب کیں ہیں یوہ اعزاز بھارت غا اُن بچاں نانہ دتو جے جہیڑا بہادری کھیڈ سماجی خدمت
سائنس و ٹیکنالوجی ماحولیات تے فن و ثقافت مانہ نمایاں کارکردگی غو مظاہرہ کریں کوئی وی
بھارتی شہری جہیڑا بھارت مانہ رہائش پزیر ہے تے ۱۳ جولائی ۵۲۰۲ توڑی ۵ سل یا اس تیں
زیادہ غی عمر لیکن ۸۱ سال غی عمر تیں کھٹ وے اس اعزاز واسطے اہل ہیں درخواست ۱
اپریل تیں نیشنل اعزاز پورٹل ور جمع کرائی جاسکیں غی۔ وزارت نے نوجوان ہنر منداں نانہ
قومی سطح ور پہچان دین واسطے اس مانہ حصولین غی ترغیب کی ہے۔
